

27 JUL 1997

AGONG UTUS UCAPAN TAHNIAH KEPADA PERU

KUALA LUMPUR, 27 Julai (Bernama) -- Yang Di-Pertuan Agong Tuanku Ja'afar hari ini mengutus ucapan tahniah kepada Presiden Peru Alberto Fujimori berikutan sambutan ulang tahun kemerdekaan negara itu.

Perdana Menteri Datuk Seri Dr Mahathir Mohamad juga mengutus ucapan yang serupa kepada Fujimori dan berkata kerjasama dan hubungan dua hala antara Malaysia dan Peru telah berkembang untuk kebaikan kedua-dua buah negara.

"Saya berharap dapat terus bekerjasama dengan pihak tuan untuk meningkatkan hubungan dua hala dan menantikan pertemuan kita semasa sidang Kemuncak G-15 di Kuala Lumpur dalam bulan November nanti," kata Dr Mahathir dalam satu kenyataan yang dikeluarkan hari ini oleh Wisma Putra.

Menteri Luar Datuk Abdullah Haji Ahmad Badawi juga mengirim perutusan yang sama kepada rakan sejawatnya Eduardo Ferrero Costa.

-- BERNAMA

AKT RI